



獨
喻
集

16
695
1



和口6
號695
卷1-3

天保庚子新鐫

熊山澤先生著

獨喻集

育英塾藏版



獨喻集序

始予與九茂柳南為友。柳南者，熊山先生門人。函稱先生之文，乃介柳南奉拙文以請正。先生過見，優賞厚賜，書讀教以固執志，且示高作數篇，予愛而卒業，深歎其文簡潔純粹，字經思句，有法抑揚頓挫，無不入神妙者。又聞先生性好古，自幼專讀三代兩漢之書，朝合其英，夕咀其華，漸磨淬礪，以成此大

業矣。於是乎。欣然有會乎心。即趨榻。先生
益聞其所未聞者。遂忘食。先生以納交于諸
老先生。雖有言。未能交者。未及也。先生之文也。
自是日夜耽文章。私心竊自厭吾技之賤也。
及年廿一。有所感悟。而盡心于方技。唯醫治
是務。於是清治者漸多。終於朝。察於夕。每有
少間。適有閒。亦唯誦讀方書。必明其義。務施
之于業。不復用心于文者。六七年矣。當此之時。

先生之藝。方刻其獨喻集者。乃先生平日所
作。訪文之鈔也。世之人讀之。不唯知其法度。兼
然亦足以知學問之通博。其議論之確正矣。蓋
先生以儒任神。不為參政。夫所謂明先王之道。
適當世之務者。其亦舉而措之。民病去。國
益日興。固不待言也。古人有言曰。不為良相。
則為良醫。又曰。上醫治國。其次醫人。由是觀
之。醫之與參政。所為雖異。其所以濟人則一。

也。而先生命予以序文。則知先生之意。亦
猶是也。今予之廢文。亦將終此。豈論治驗
以撓世留之弊矣。故不敢為序文之命。并
道予所以終始奉教者。因以自解云。

天保庚子仲冬上旬九山信謹撰



高田中根家書



獨喻集卷之一

水車

澤徽子慎著

橫架池塘下。回旋更有神。月明團影靜。風薄水聲頻。
雖厭機工巧。其如田畝新。三秋農事就。自得太平人。

寄湯淺寬卿

寄懷友人

南北音書少。休言無所親。交情終不易。千古有雷陳。
一從分折柳。總歷幾寒溫。唯信長風動。時時飛夢魂。
秋夜贈友人

蓐收行政令。草木自蕭森。因有商飈動。都教冷氣侵。
天邊新雁度。窓裏夜愁深。寫意貽知己。霏微淚不禁。

山家

幽棲無俗事。秋至白雲深。茅舍依窮谷。柴門對茂林。
清風安僻性。素月照真心。時或過隣叟。談論到日沈。

哭湯淺蘭碩

南州第一夜光珠。聲價由來動海隅。忽聽厭人聞易
簣。會當爲地下操觚。遙知天末仍看鶴。尚想廬前正
有芻。豈料河梁分手日。死生與汝道長殊。

王昭君

昭君辭漢地。行行出玉關。據鞍揮涕淚。自恨誤紅顏。

擣衣曲

長安愁思婦。深夜擣戎衣。明月來砧杵。清風入帳幃。
眼看青塞遠。心恨素書稀。獨自持刀尺。潛然倚戶扉。

春日雜詠

茅屋春深草樹浮。悠悠獨坐自忘憂。遊園蝴蝶花爲
侶。度水蜘蛛芥作舟。世路誠雖疎活計。靜中時或運
吟籌。吾儕本是無機客。欲隨沙洲伴白鷗。

春日上海邊樓

海天同一色。萬里景光清。怪石時埋沒。遙山忽霽明。

雲迎飛雁影。風送去舟聲。幽興都無極。坐來忘日傾。

榔洲村晚春

寂寞山村裏。出門無匹儔。雁鴻幽海北。燕雀聒簷頭。
春去青林外。愁牽綠水流。行吟何所倚。停杖獨夷猶。

水院流螢

深宮夜燭晦。依微弄影流。螢映畫幃。輕雨時過蓮葉
濕。清風徐動芰花菲。閒情聊欲試。紈扇纖手漸稀。推
瑟徽。本擬幽光與汝共。生憎踰堞向宸闈。

寄懷渡壽國

西風催木葉。萬景盡淒其。新月輝簷夜。孤心思爾時。

當今方庶矣。命世竟何誰。他日詞壇上。主盟造化知。

冬至書懷

肅肅寒風豈偶然。一陽已先斗杓旋。壯心屢動艱辛
裏。佳節頻過飄泊年。只合龍飛安鼠伏。誰知蠖屈爲
鴻軒。中宵奮起長歎息。寶劍空彈憶昔賢。

次達子古客中感懷韻

千里辭親去。飄零何所涯。國多曾過國。家半舊館家。
浪迹遠生意。蓬鬢感物華。揣摩終不就。彈劍獨長嗟。

蝴蝶

片片飄輕翼。紛紛弄落花。不知春去盡。猶自顧姿誇。

從軍行

龍城秋至樹先鳴。壯士橫戈氣不平。最恨關山明月夜。淒風吹送塞笳聲。

新綠

莫悲紅紫委黃泥。夏景也逢新葉萋。鶯舌懶時姿故掩。柳花翻處影空迷。陰牽密雨山兼合。晴動飄風天與齊。最好清閒明月夜。酒徒詩伴鎮相携。

題背面美人圖

羅袂龍鍾背世塵。細腰知是息夫人。胸中一片無言志。不管楚宮別有春。

題平安客舍

京華自擾擾。游子自營營。總不關吾事。片心誰與明。

送友人還阿波

欲向滄溟送友生。方逢落木愴心情。殷勤莫泊須磨浦。霜夜風光夢不成。

秋興

南海一孤鴻。高飛無所止。苟有羽毛存。壯心終不已。聽鄰家娘子彈三絃。一曲三絃新樣傳。秦箏齊瑟漫嬋娟。嬌喉細逐春風轉。身與梁塵各半仙。

雜詩

端坐讀古史。功名本易違。鄉邑非不樂。抗志來京畿。
親友不我顧。心曲當告誰。貧賤近辱殆。下流存訓辭。
豈無慷慨志。時俗多嫌疑。窮達各異勢。不如守荆扉。
大夫敦盛

榮華一旦盡。公子沒東兵。徒傷青葉笛。千載絕遺聲。

觀源德蘊盆山

一堂爲宇宙。沙石狀山河。不見卉木生。唯有清風過。
節齋主人源德蘊。此處間卧忘憂愁。爲懼巢父洗其
耳。不教碧水一派流。

秋興

鄰寺鐘聲響。暮雲帶雨愁。故人千里外。未有素書酬。
贈住友子誠還阿波

維昔渭津。依依同歸。永誓沒齒。日月遷移。雲飛霧散。
爰訣朋知。既訣朋知。來隨京畿。余唯薄祜。既鄙且癡。
軾軻苦辛。七祀于茲。吾子自南。久要不遺。乃眷北顧。
卽我茅茨。茅茨湫隘。懼穢其儀。唯舊是親。德音靡靡。
連牀與處。曾未幾時。歸期乃迫。僕夫授綬。送子倚門。
踟躕其思。其思伊何。良會不期。仰觀黃鵠。俯臨青涯。
感物增懷。云何忍辭。子行不駐。泣涕如絲。

雜詩

城城涼葉落。悲風來我牀。暮坐乍不娛。攬衣起徜徉。
意欲遊清都。道路阻且長。浮雲歸高岑。野鳥獨翱翔。
感慨繫中心。俯仰用哀傷。

別松山正則

玄冬寒氣至。北風何冽冽。游子感已深。矧乃當離別。
臨歧怨路長。殷勤情何竭。既歎吾道南。復傷音形絕。
雲中有飛鳥。願時慰寂蔑。

雜詩

採藥西山曲。薄暮苦疲癯。重林響猴猿。谿谷多寒風。

廻策遵反路。仰視南飛鴻。飛鴻忽遠征。憂心正忡忡。
還顧無儔侶。曷由叙深衷。生當作人傑。死當爲鬼雄。
無爲追流俗。窮途悲轉蓬。

贈乾靜齋

平明從所務。來歸薄暮辰。還聞家僮言。有酒自遠臻。
內顧無寸儲。枯魚裁足陳。飲具苟合矣。冀願暨故人。
欲言且猶豫。將進復逡巡。常聽先王禮。貨財不於貧。
交情貴相得。何必在奇珍。匪爲庸士說。聊用布所親。

贈阪內君彞還常陸

步出平安道。送子都門東。惆悵臨永路。相贈以微衷。

微衷自有絲。請說前聖功。天地既已闢。人物生厥中。
善惡猶未分。貴賤亦復同。生生日以繁。情志從斯隆。
聖人制禮樂。民咸協于中。賢愚爰不齊。學古乃有豐。
書是載帝迹。詩則觀民風。春秋析人事。大易說天工。
論語六藝秘。不敢求急攻。百家暇則覽。胸懷唯要充。
爲政貴從俗。立言欲其通。學在知大體。莫徒事鑿空。
行矣吾言畢。勅身克厥終。

杏花雨

春晚杏園花態驕。翻香蔦地入雲霄。無端喚起紛紛
雨。又趁東風過野橋。

幼女詞三首

從姆遊鄰里。歸來方見月。却喜我家月。大於鄰里月。
出觀鄰人嫁。還家與母語。我長嫁何處。嫁裝復幾許。
昨日姊歸寧。殷勤相顧言。縱爲田父室。莫入商人門。
湖上春曉次福井子通韻。

當是前湖夜欲明。枕邊頻聽水禽聲。霜鋪小艇槳猶
澀。風起微波霧尚橫。山汎黛光游女愧。花留漁火里
人驚。徘徊對此情無極。日上三竿未敢行。

賀乾靜齋卜居

松樹蒼蒼新靜居。長留幽韻伴琴書。坐中賓客祇應

滿室有清風尊不虛。

秋夜與乾靜齋訪剛上人於栗原僑居

携手出郊際。栗原問禪亭。禪亭何靜寂。清風起戶庭。
市遠塵氛滅。慾祛心意寧。吐論一何妙。窈窕有餘馨。
夜移四面平。升月入牕櫺。文雅已交飛。樂飲傾瓦甍。
鹿鳴響山椒。雁聲落沙汀。伊余雖蹇拙。風騷自幼齡。
耽此幽閒趣。倏爾忘軀形。願語同遊者。願言於心銘。
初冬與乾靜齋福井貞吉訪剛上人分韻得雲

乘暇俱過鴨水濱。疎林忽覺半風薰。將吾僻性交難

合。憐爾禪心獨不群。蕭索寒山低紺宇。焜煌黃葉接
鮮雲。清遊還似神明惡。鐘梵聲聲催夕曛。

水樓春景

韶景東來滿帝城。登臨此日思懷平。萬家仰照初曦
淨。一室浮光新水明。霜薄岸邊春草起。冰融洲上宿
禽輕。祇由聖代恩無極。皞皞還尋舊社盟。

贈吉田仲禮還南部仲禮之翁今年七十媪六
十。

悠悠三千里。山川阻且長。疾風興竅壑。曾雲涌山岡。
曰余懷佳人。豈敢憚蒼黃。行行前路邇。中情庶其康。

延頸暇納日。振策問津梁。其一

津梁亦無難。幸值文明辰。京國一何盛。乃生如之人。
明德誰不懷。竭來託一身。講學如不及。孳孳窮昏晨。
歲月何易移。於今已三春。遠遊不可久。高堂有雙親。
其二

雙親在高堂。遐齡六與七。喜懼固夙聞。定省寧有失。
春酒既云熟。宴會有今日。嘉賓進稱壽。左右方秩秩。
庭際玉樹茂。階前芝蘭苾。孝子寔不匱。錫類云其吉。
小子企一方。正惜不同室。竊慕回路誼。因歌叙情暱。
其三

田家

作息長如許。安知帝力覃。晨風未莫莫。時雨水潭潭。
僮僕堪勤穡。妻孥慣養蠶。田家心事就。此外亦何貪。

解悶

辭家才氣自雄。爲客心情未通。口中猶有舌在。身上
詎說命窮。

將歸鄉省親。平安城外作。

十年游子去京華。眷顧京華有似家。始信東西南北
客。不黔不煥是生涯。

自尼崎到明石作

偶為塵緣問舊阿。行程何事此婆娑。生田林暗功名
鬱。湊水風寒涕泗沱。地接封畿饒氣色。海連鳴戶見
盤渦。回頭萬里關山道。向晚聊為慷慨歌。

晚到福良作

行程期日奈愁繁。一葦明朝到故園。南望滄溟煙霧
裏。早鴻先度小鳴門。鳴門有大鳴門小鳴門

寒江夜泊

風收江路泊舟橫。寒透征衣夢幾驚。蓬外無邊中夜
雪。忽疑身是入滄瀛。

刑部丞源義光

獨擁戈兵衛帝宮。月明千里照邊功。可堪平日同袍
意。乘夜輕奔陸奧東。

秀芳亭小集同賦春色滿皇州

暘谷升初旭。晴光先記春。梅香凌雪日。柳色引風辰。
萬歲乾坤古。一朝和惠新。且忻疎散客。鼓腹樂終身。

人日秀芳亭小集

嘉會屬人日。惟德以成鄰。中坐清風發。蘭芳挺奇新。
坐使鶯滓隔。疊疊感精神。罇罍盈旨酒。圓方亦兼珍。
敬愛良不翅。報往何以陳。莫怪語言顛。醉歸聞詩人。
聊且探枯腸。短歌叙恣恣。

山樓雪望

黃雲昨夜送寒來。樓上平臨積素開。請看齊君佗日惠。於今比屋有銀臺。

關口氏宅小集同賦紅霞開綠樹分韻

誰持功化柄。景色使春餘。日出紅霞綻。風加綠樹梳。漸看池水漲。稍聽野禽舒。獨有查郎在。優游且一噓。

采蓮曲

溶溶綠水映晴曦。舟入荷花度曲遲。自是王孫腸耐斷。香風偏向靚粧吹。

子規啼

春盡平原百草肥。南風回首故山非。子規何事驚愁思。一叫遙衝入紫微。

嵐山賞花二首

見說嵐山千樹櫻。滿山花對堰川清。吟筇停處情何限。渡月橋邊到日傾。

嵐山櫻發倚差栽。幾歲移來引舞歌。應識當時恩意渥。到今花色向東多。

胡蝶花

春入南園胡蝶開。愛花凭檻睡方催。化為胡蝶遊胡蝶。胡蝶飛來未肯猜。

鳳臺曲

鳳皇曲就鳳皇迎。隨鳳飄然凌泰清。一片浮雲女祠外。人間往往聽簫聲。

陽臺雲

風雨嬋娟夢一場。覺來山水共茫茫。行雲朝暮陽臺下。總使君王思慕長。

次韻酬村田大椿

西方有佳人。由來民所宗。惠風播無疆。庶類紛相從。聲氣馥芝蘭。光華過芙蓉。鬱鬱陵上柏。亭亭澗畔松。倏忽復變化。誰者辨神龍。我常願企及。卓爾若崇峰。

吁嗟無輔仁。往來爲憧憧。我朋從吾思。才情且茸茸。請挺曠世志。共追萬古蹤。

陪山陰先生遊兔道詩

京之東南寔曰兔道。我師好奇。趣此探討。我二三子。是顛是倒。星言于征。誰想草草。東度河橋。南登山堡。鬱彼霸圖。徒使久悞。今古該覽。少長聯藻。雖道之遠。莫知其惱。乃入蘄山。觀其清規。宮殊殿制。物異厥儀。還從斜路。造川之湄。遠望匹練。而憫競騎。側睇彩虹。以弔橋姬。維昔稚郎。讓國兢兢。德齊泰伯。義高延陵。民載其遺。於今烝烝。何彼高倉。好謀無能。遂以忽諸。

宜哉無稱。俯仰千載。我思弗勝。白日西馳。求樓茲登。東山吐月。碧水其澄。酌此美酒。其復曷憑。乃命輕舟。下彼清流。一瞬數里。景倡響酬。美哉佳會。申之綢繆。嗟我諸友。既溫且柔。乃如之人。心思厥休。式慎爾止。無以夷猶。永日之歡。豈曰匪優。爰作新詩。以叙情由。

兔道旗亭翫月歌

乘茲暇日。遨遊以耽。維此兔道。京之東南。我思美人。登樓臨潭。我歌我舞。我酒以酣。東山揚輝。游雲引嵐。挹斯清流。怵怩以慙。宴婉無絕。欲以長參。咨爾士子。思時以覃。

聞乾靜齋遊高雄戲贈

如言霜葉事。高尾或先稱。遊目君其又。遨魂我未曾。地因才彥重。文惹鬼神憎。寄士安床去。儻令紙價增。重贈乾靜齋。因次前韻。

鬼哭悲申旦。才名誰見稱。吐論羞世與。出話醜人曾。同負披榛志。齊充多口憎。如何星象動。環堵夜光增。題范蠡泛五湖圖。

嘗膽何年意氣通。風雲喚起姑蘓功。請看英雄心事別。泛舟魚化五湖中。

季冬三日朝。啜茶畢。加湯于瓶。瓶底乃穿正圓。

所謂齊底破也。俗掛之北壁。以為家道開通之瑞。因而聊賦。

三冬景短物齊終。傻被茶瓶報歲功。北壁掛來何所覓。領將天意喜開通。

古意贈村田大椿

寒鷖吹飛蓬。翩翩入我闥。悲酸不自禁。懷君時來佞。

一解 嫌疑起是非。契濶成疎密。冀願固終始。不愧膠

與漆。二解 悠悠重悠悠。結交不須易。纔為旬日別。企

想不能閱。三解

送別

北風飄葉拂山蹊。雁影參差雲外迷。落日高樓悵君別。相看未醜玉東西。

送松倉文剛之江戶

昨夜東風淑氣催。壽杯誰意作離杯。加飧莫怨朋知遠。何處雁鴻無去來。

初午謁稻荷祠戲賦

鈴鼓喧喧響如雷。春風四面送人來。未能免俗聊相賽。遮莫牆間窮鬼哈。

贈乾靜齋

余於靜齋先生。忝師友之誼久矣。今茲三月八

日。值尊考十七年忌日。祭之餘以饗焉。余益猶及見尊考矍鑠者狀。爲之慘然。賦此以贈。

雨露春濡感念懸。知君遐忌更悽然。鳴門海濶迷歸夢。愛宕山高鄉所天。詩禮傳風嘗穆醴。金蘭假友理牙絃。冥襟相對宵參半。靜聽哀鴻說昔年。

送人還阿波

一陳南薰拂洛橋。歸歟忽聽及今朝。舟舩夜冷須磨月。滄海晨清鳴渡潮。爲恨半千波路永。仍憐十二郡風遙。鄉關近處意何若。宛轉娥眉伏似邀。

赴鄉道中作

倚伏頻相感。風塵復此行。乾坤波浪穩。方寸憤憂橫。未識儒爲祟。尚懷文乃傾。細推間氣運。客坐更瑩瑩。今茲五月。余還自京師。留滯彌月。此日冒雨過。遠大路而飲得之字。二首。今室解音。大路亦有四方之志。因相勸勉。并慰正月喪子之憂。

冒雨尋君眉阜陸。爲思良晤不愆時。百年遼落存交誼。對坐綢繆有酒卮。休問中原多士子。應看當世幾男兒。已聞秦女鳳鳴就。何日雙飛縱所之。

自昔余辭南海陸。豈圖交友及今時。輸肝俱濕黃梅雨。話舊渾濃綠酒卮。淡蕩寧求營作業。佯狂何有哭

生兒乾坤納納丈夫意。不用控搏苦已之。

几

几乎相別是何年。誰料艱辛與汝全。正想昔時書卷萬。却嗟今日殷憂千。當肱坳處仍覃思。點墨斑痕更有緣。爲報待余遊二酉。應須邀取共終焉。

譚山寓居懷乾靜齋

草草寓居多武峯。清閒日與白雲從。長風時動猶猴念。更向知音奈號鐘。

譚山雜詠

獨宿沈吟夢未成。忽教蛾影掠燈明。篋泉乘夜轉添

響。滴碎遠遊遊子情。

豫讓

飲器初成匕首冷。市頭橋底幾零丁。仇衣擊罷身何有。一片忠肝照簡青。

譚山寄村田大椿

交歡一別尺書遙。料識張顛酒興饒。相憶天涯回首處。雙峰秋色雨瀟瀟。

霜夜鐘聲

精舍寒燈夜色深。清鐘底處自相尋。偶隨飄吹聲空舉。乍伴飛霜響未沈。靜觀行雲旋欲過。驚聞墜葉更

難禁。劍書今夕如何夢。最是滔天一片心。

贈賀公

吾愛賀尊者。新詩獨傑豪。三杯情態逸。數語主賓鏗。
緣底空空際。看茲郁郁騷。傳心良在此。世上謾嘈嘈。

秋夜懷村田大椿

不見村田子。緣何解我憂。垌林都減色。天月也如鈞。
風物徒知改。交遊未敢酬。援毫聊自寫。山外鹿呦呦。

次韻酬大椿

曳筇門外見雲收。梵賜鐘迷古寺秋。無復交遊能解
悶。唯將詩賦謾消憂。行藏當日何爲得。天命加年應

有由。報道籃閭大椿氏。丈夫身世在竿頭。

偶題

少小文章覺有神。風騷容我獨成鄰。世間錯把諸家
比。箇箇不知雌了人。

夢梅

吟魂役罷夜竒哉。夢向羅浮山畔開。更逐人間清曉
吹。徧身盡總帶香回。

早春夜雨

油雲生合夜。酥雨到臨明。春草知多少。池塘不忍行。
病起作

擬新詩詠盡青春。却被青春惱浹辰。乘霽扶筇展病目。不堪林樹已蓊蓊。

山寺冬景

寒山過液雨。寺出樹間遙。鐘響迴谿度。經聲逐吹調。流池空泛色。栖鳥既休囂。的的安禪意。夢魂清一宵。

題虎溪三笑圖

同人相送日。不識有無橋。一笑知何意。悠悠山水遙。行脚僧

樹邊猶未嘗三宿。況向人間火宅憑。一味清涼何所得。乾坤踏破與誰朋。

答問詩奈何作

未學詩時誦萬章。讀過千首便臨場。將心直放乾坤外。稍稍收之宮與商。

山行三首

不知村遠近。莫辨谷西東。落葉偏多處。唯看一徑通。山路深耶淺。人家幽澗中。孤心方慕此。欲以姓名通。山空鳴落葉。和雨響無窮。清絕斯時興。吟心欲競工。

古戰場

何年古戰場。滿目轉荒涼。日夕腥風過。唯聞鬼哭長。

新舊篇寄村田大椿

平安新興定何如。有甚新人伴讀書。新句想應著新趣。新新幾箇異當初。平安故舊只吾椿。話舊由來惱損神。舊友如常存舊意。終然舊舊益堪親。

和林逋九題

詩將

如問詩中將。齊推李杜名。豈無堪尸祝。自是已孤行。野史爭趨役。聖經就賜聲。長城千古在。誰復繼其成。

詩家

自從揚馬死。唐代二千家。花鳥吟無盡。江山趣底涯。

雖偷天地巧。奈抱古今嗟。結構君看取。非唯朴與華。

詩匠

自有詩人在。物情無不通。匠心銷鬼膽。吟韻引天風。杓鑿工夫合。準繩機變籠。經營何似手。萬載荷成功。

詩筆

筆乎吟社友。相得便相宜。綠墨方濡罷。紅牋欲下遲。鬼神通思日。風雨起庭時。二妙誰功也。世人渾不知。

詩狂

風流渾透骨。甚處問軀形。廢務情無極。耽奇興不停。橫行歌絕壁。兀坐笑寒扃。得意篇篇是。應看與化冥。

詩魔

沈吟秋復春。不管歲年頻。對景方牽興。銜杯更有神。瘦詞非淺腐。險韻自尖新。箇是生前業。寧爲魔界人。

詩牌

愛勝何能已。牌題此忘歸。洞庭孟杜壯。黃鶴李崔微。坐恨前賢盡。誰憐後進稀。江山多見浼。累累一摸圍。

詩筒

看看元白者。有此好消閒。一箇雖些少。幾回能往還。勤渠尋倡和。儘放隔河山。且暮觀千載。神交况兩間。

詩壁

題詩虛壁上。可以名清風。舉取寰區勝。都存滿目中。閒吟甜是黑。逸趣友名紅。這箇知何許。幽人一畝宮。

早春雨

一陳東風雨。摧殘不夜城。舉群降木帝。各自領春榮。

人日與友人同賦

鷄狗日過方是人。人何不認自家辰。吾儕况復號騷客。請共探腸吟破春。

睡醒

睡醒援筆猶恍惚。棘句鈎章汨汨來。人訝如何異平日。笑言新自南柯回。

早春春意

邀勒寒梅香十分。翻爲春意似微醺。看看一樣青陽色。著在吾家自不群。

泊瀨雪望

密密篩過雪。淙淙咽去川。青青終不歇。白白自空懸。

春雨

膏雨濛濛日夜懸。釀成春意許多圓。一齊將去供吟社。吟得新詩兩三聯。

桃山作

不圖仙境在神京。路入桃山無限情。見說折枝褐寬

博。賣春爲業太奇生。

郊外有感

步出南郊外。郊外徑狹斜。蕭條無所見。茅茨傷水涯。知是小民宅。其大僅如蝸。中有小兒女。驩虞孃與爺。伊余素傲儻。落魄不爲家。時命亦不偶。親暱相疵瑕。不如彼小民。世業樂且嘉。觀此傷心緒。躑躅發長嗟。掩淚向親暱。默默不敢哆。自期臨中國。齊盟路非賒。去去更飲泣。壯志益有加。

送橫濱仲熊歸南部

掩淚淚交頤。指途途入雲。欲爲千里贈。情至不成文。

放言

古人幾萬言。已不如我意。來者幾萬言。知不如我意。生于來者上。在于古人次。古人自可量。來者庶可利。此身安不勤。夙興復夜寐。

次韻長野豐山新年作

聞說新年入汝詩。不奇未始不真奇。嗟余有口喑啞似。徒喜昇平緣主皮。

雨霽行園

屏居苦淫霖。懷抱鬱懣懣。鶉鳩忽一叫。輕吹來自東。浮雲既悠邈。山色正腫朧。何唯愈我疾。轉使賞心隆。

攬衣步園庭。庭滑春意融。草芽應胎綠。花萼合含紅。洋洋新魚戲。湛湛池水充。偶有睨皖鳥。好音遠相通。動我曠世思。皤皤復恹恹。嘯歌祇自適。日落情未終。

初聞黃鸝

料峭谷風春未濃。便遣鶯舌作先容。夢成費巧花消息。枝凍勞栖間跡蹤。求友沈吟聲尚澀。舉杯猶豫思如春。依稀已看東園裏。雨灑日烘芳意鎔。

題買臣負薪圖

夫擔妻戴步遲遲。腰下隱然印綬垂。憐殺姦器無眼。媪自經溝瀆莫之知。

白桃花

正訝仙家樹。祇教白雪菲。春風銷不得。故故映晴暉。

春雨中喜友人見訪

浮雨信可厭。矧此烟芳初。如絲入牕牖。似膏侵琴書。
默默祇如此。幽意何得舒。誰是同病者。剝啄訪敝廬。
屣履出相迎。對面正如如。中厨何所有。薄酒及枯魚。
持此相酬酢。聊復樂只且。酒醺談也熟。奈何問散樗。
天意如有感。風雲歛相拏。斯文同所與。吟賞奚可虛。
當及春興濃。擅以才藻攄。

書中乾胡蝶

春意如草莽。胡蝶亦合宜。

莫怪書中拋此軀。平生慣得我儕迂。遽遽為想他年
夢。栩栩何傷今日枯。輕吹來時翎欲鼓。暗香飄處魄
如蘇。與君未解勞休意。好向冥冥相共呼。

畫虎

偉矣丹青手。闕呀自宛如。不知威百獸。猶自傲窮廬。
向眼膽空動。捋鬚情更舒。平生愛鼻觚。對此轉堪噓。

次韻友人首夏書懷

黃梅雨連日。坐憶舊知疎。門滯問奇客。牀堆未報書。
自從隨五斗。便復欠三餘。同病又同志。相逢說遂初。

次韻馬場子恭偶題

時棄余耶。余棄時。時觀事變。便題詩。詩成意興果何似。可喜可驚也可悲。

次韻酬杉岡公曙見寄二首

行盡海天又海天。唯看富士異風烟。初知世有吾儕在。只合因他八朶蓮。

乾坤誰是一時髦。更與何人迴倒濤。今我雖羸汝雖老。斯文未敢讓他高。

次韻友人溪興

獨抱箇無何有竒。清溪謾試釣魚絲。斂昏似得天翁憫。閒掛月光照肺脾。

奏送君侯之邑詩

君侯耽經藝。方物乃周詳。終朝臨政廳。竟夕入文場。高情猶未足。優禮待賢良。人士斯豹變。廉讓觀輝光。誰圖南海醜。濫廁君子鄉。矧復挾方策。夙夜在玉床。碌碌歎無竒。懔懔殆欲狂。所恃德寬大。又依聖有方。謾間且寡知。陳力敷腎腸。但恐忝重任。恩紀不可償。君侯今之邑。邑民福無量。吾儕小臣者。周歲不在傍。中心為惓惓。寢興安得忘。因私遂叙憶。片言不知臧。都下雖可念。邑土詎不荒。棄捐無重陳。來往有邦常。

病起戲作

三旬伏枕百無聽。恍惚更欣塵事屏。炎熱已加絲易
葛。早枯旋看草爲螢。盤方未得瞑眩驗。治法還因將
息寧。病起蠢蠢隨舊僚。依然進德嬾先醒。

送田代李順還人吉得相字

逝哉西土客。底事此翱翔。固聽追師切。也看求友忙。
雁魚傳合屢。風雨憶堪相。暫引將離袂。哀歌寓我狂。

題陸羽像

葛巾野服自幽姿。細和松聲煎茗時。真趣未容塵俗
識。賜烟直趁絕雲奇。

寫懷

我有曠世思。生平未始伸。懊惱無終畢。狂癡遺昏晨。
一世不可意。孤特竟無倫。我欲說此言。友朋掩耳瞋。
壯志何能已。濡翰取意陳。西方有文章。雕煥眩鬼神。
東被幾千載。無人知濟津。少小耽騷雅。琢磨要其磷。
豈曰達與窳。聊復覲門闈。敝帚尚千金。焉得不自珍。
探古誓成敗。託辭究天人。此書良已就。四代庶不泯。
誰令乏紙筆。著作不得振。古人亦有言。人欲無不循。
苦心誰與亮。聊用訴蒼旻。

詠女蘿

青松生深山。結根堅且強。舉世仰層標。清曠軼尋常。

女蘿何為者。寄託得其當。伏兔生其下。仙鶴巢其傍。歲寒尚矜持。風賦徒自狂。千載相終始。不見有禍殃。人生亦如此。相教慎弛張。

己卯元旦

江戶嚴城東海邊。新陽朝照自嬋娟。家家松竹留韶景。處處關山起瑞烟。商賈市間齊閉肆。公侯朝闕眾盈孺。春風誰道無情物。吹徧群方入綠錢。

魚上冰

東風一夜入江湖。見說層冰化得殊。烟柳含黃黃映鏡。雲嶠凝翠翠盈圖。韶光更送寒光煦。雪水方迎雨

水濡。潑潑恰看魚踊躍。陽和始信世間敷。

樵溪梅

穿樹沿池一徑斜。幽香占斷古梅花。山翁有意休樵斧。盡日貪看未到家。

午睡

捩鬚觀屋苦心長。忽御清風入睡鄉。好在此中趣多少。翩翩成句快吟行。

梅雨

癡雲駭雨日相扳。舍外頻聞行路艱。獨有主人興無恙。無晴無雨對書閒。

夏日即事

侵炎竟向細鑽研。興味還兼睡思圓。幽竹牕間午陰轉。清風拂案亂詩箋。

夏雨

一抹雲纔見。登時白雨傳。簷牙飛急瀑。禪口起清連。涼透侵雙鬢。吟深聳兩肩。霽來詩亦就。高詠動坤乾。

聽泉

山下叢林林下扉。扉幽一帶綠泉圍。清風故襲山林去。還惹泉聲入翠微。

秋日書懷贈加藤士戩

綠葉逢秋黃慘悽。便教騷客轉悲啼。唯將事業酬功化。須取聲名付淖泥。奇語傳時多見怪。狂言發處會相憐。從來此意無由白。寫寄同心氣似霓。

讀渡邊奎輔刀禰遊艸

蘅園辭藻自奇模。機軸元應倩鬼扶。祇覺烟花浮几席。更驚鳴籟響盤盂。笑佗隨後探龍領。憐汝攬先得寶珠。看取牛溲和馬勃。斑斑化盡繡工夫。

梅影

梅花喚月月模糊。描上紙窗香滿梧。箇箇自然還自在。畫中曾有此真無。

冬日書懷

窮通雖久了。塵事儘堪歛。愁意飛風過。吟情雨雪來。
乾坤看費巧。今古枉拌才。黃嬾應知我。終年不見猜。

讀易

悠悠無一事。讀易坐精廬。探蹟觀天地。透關通吸噓。
已知貧賽富。未辨雁勝樗。幽鳥時窺机。閒花故映書。
香烟浮牖戶。夢思入華胥。四聖雖云遠。遊心自宛如。

書舍寒燈二首

耽書平日不知休。拋俸都沽繼晷油。貧舍豈無明雪
在。虛名怕惹萬年羞。

午夜山鐘送響休。寒燈焚盡讀書油。幾年相照還相
伴。汲汲何曾於汝羞。

寄題古河小出子威烟霞樵屋

屋後屋前景已奇。相尋何恨不相隨。樵聲聞處烟霞
遍。應是主人行樂時。

庚申元旦二首

爲憐風雨起殘更。洗盡塵埃天地清。旋對辛盤修故
事。啼禽早已報春聲。
一夜纔過景便更。人心隨分有餘清。共祈如意知如
我。坐聽家家唱壽聲。

春郊

綠柳紅花啼鳥新。到來酣殺愛吟人。組雲織霧投囊裏。薄暮擔將幾許春。

夢桃源

一轉枕頭思不常。桃花濃處認仙鄉。春風忽謾相迎去。縹渺烟霞引趣長。

鋪舍湫隘。傍舍栽桃。適值春開。花亦自足。愛戲

賦一絕

傍壁穿簷桃值春。開花自擬武陵津。此中仍有秦時客。誰是當年黃道真。

美人春卧

春光叵耐睡魔侵。委靡無由整翠襟。枕上應牽雲雨夢。花香飄處撲瑤簪。

春日雨中偶題

探春期已久。屢被雨霖愆。花欠吟哦翫。句無芳馥傳。本圖歡賞適。翻使感傷纏。因憶南山裏。常從紅紫眠。

秋日郊行二首

山足途三里。杖頭錢百文。一杯催興去。不辨夕陽曛。出門猶未幾。茅屋看封雲。纔是風情在。去來皆耐欣。

春雨

昨宵膏雨入郊叢。樣樣抽竒箇箇工。仍釀騷人多少
思。化成詩句媚春風。

堅田落雁

西風料峭夕陽前。停杖何人興耐憐。濃淡粧秋湖色
遠。數行斜雁落堅田。

山村曉思

秋晏山村誰共酬。况拋機事付泉流。風驚曉枕猶無
醒。夢遠地窮天盡頭。

贈熊坂君實

景氣莽蒼陸奧東。天生尤物此稱雄。德輝旁映邊關

際。文采遙飛都輦中。三世詩書長繼志。百年功業有
調窮。家門積善外聞日。賞賚俱知餘慶隆。

赤穗義士

狙仇變服幾經營。誰識佯狂是主盟。功就還來泉岳
寺。慨然纔覺地天平。

題晴浦秋漁圖

秋江獵獵午風颺。引得纖綸興味長。休道漁翁貪活
計。終年畫裏恣徜徉。

中秋二三子置酒見招。余辭不赴。賦此以贈。

教余何事獨愆期。狂雨顛風漫攪思。無月無朋也無

酒題詩徒問宴遊奇。

靈芝

偶敦和氣感。生此煌煌質。翠羽濕暝雲。朱柯榮旭日。共知嘉德洽。應使鴻釐溢。延壽能如意。願同天地畢。

楠判官

不將興廢問蒼龜。只合勤王濟一時。唱讖佛圖徵曆數。嬰城劍破却東師。賞因卑薄纔籌戰。兵爲孤單偏用奇。請看湊川徇節後。廟堂謬算悔難追。

賣花翁

東風吹遍景光舒。草樹領春春有餘。還附老翁肩上

去。號呼城中百萬居。

鶯出谷

雪深幽谷正沈淪。天運纔看斗轉寅。金羽猶垂何敢競。笙喉未弄自依珍。風柔玉綻梅花信。日麗黃搖柳眼辰。領得遷喬多少力。乾坤喚起一聲春。

三緣晚鐘

洲崎吉祥寺八景之一下同

風斂潮平落照移。噪鴉攪攪散洲崎。三緣更結諸緣著。鐘響春容報晚時。

芝浦歸帆

烟波誰料是塵寰。短笠輕蓑生計閒。一葉秋深芝浦

晚帆懸倒景。向家還。

負暄

負暄窻底更無勤。芳茗烹休漫勒勳。自是乾坤閒富貴。疎慵未敢獻吾君。

春夢

春陽纔動暖重衾。夢思騰騰何處尋。偶與清風相趁去。百華香裏伴遊禽。

息夫人

嬌態情知百出新。無言誑殺幾多人。二兒長大祇如此。應是深閨別有春。

丁亥仲秋

共期三五約。誰遣月光辜。驟雨無情洒。頑雲恣意敷。懷愁終好夜。寓思在清都。命酒聊成醉。茲心竟未孤。

戊子元旦

璇杓纔轉九天辰。韶氣方敷四海春。徑雪迎暄羞就解。林禽報曉似相親。柔紅含態芳梅綻。嫩綠弄姿纖柳勻。正值初陽賜光彩。欣然同慶太平民。

紙布

平生隻字不充饑。花草詩箋織作衣。堪笑錦摧繡殘後。一冬纔是暖堪依。

荒井廉平始來訪。見贈其所著芳野新詠賦。此
平主以謝。不衣。贈文章。信。芳。野。新。詠。賦。此
贈余芳野新詩篇。喜把新詩吟且眠。眠去遂遊芳野
裏。新詩吟盡正初還。

戊子除夜

一更更過漸堪親。正是冬終春始辰。盡取乾坤多少
物。送輸東帝總爲新。

春雲

暖律扇陽和。鮮雲正裊娜。露滋陰倍密。風碎彩逾多。
籠柳琴絲去。遮梅竊馥過。含霜催綠茁。映日撼滄波。

朝就都城擁。晚歸山嶺馱。行藏非有意。與物自婆娑。

春晴

天放韶風晴色奢。紅花綠柳媚輕霞。更撩多少遊春
客。宛轉爭妍解語花。

擣衣

一夜繁霜感早寒。纔除縑素擣更闌。聲聲直颺蒼苔
上。訴盡人間行路難。

護園同賦月下彈琴。家有琴。是徂徠先生遺物。
閒屋秋深月色棲。彈琴調苦轉低迷。流風無奈關情
緒。敢道知音易慘悽。

己丑除夜

樂天知命者。亦自壯心驚。書破黃千卷。頭垂白幾莖。
逍遙徒任得。齷齪孰求贏。日月無私照。同偕返歲正。
庚寅元旦

守歲圍爐夜向晨。漸聽車馬早朝人。井華躬汲泉聲
改。羹餅妻供滋味新。松竹影翻初日麗。烟霞色惹緒
風勻。平生有志尤牢落。願趁韶光一併伸。

春遊

不奈韶妍坐惱人。芒屨藜杖試追辰。風心猶厲紅情
怯。日氣旋溫綠意伸。隴樹晴邊鶯乍響。野池濃處水

方敏。見知從此饒芳事。好是遨遊度九春。

奉和某侯早春賞梅之作

非是風流別有胎。何因吟賞見侯臺。凝光殘雪還成
伴。弄媚新鶯更作媒。幽馥自然持韻度。逸姿元不著
涓埃。由來郢曲稱難和。况復躬無調鼎材。

劉先生將歸佐嘉。諸友共泛舟。至龜戶旗亭。酌
酒爲送別之宴。女史采蘋亦與焉。戲贈先生。
十年同社似蘭香。此日相携勸別觴。誰識女仙情最
苦。將離無奈喚劉郎。

重酬荒井廉平仍次原韻

神交千里兩心知。吐盡胸中竒又竒。造物於余還不薄。翩翩更附各天思。

晚春送本莊孟撫歸筑後

誰使春風拂。愴離泣飲聲。晤言歡尚淺。文酒思方縈。單複征衣換。三旬驛路行。雲天看似箇。何日合尋盟。

估客樂二首

送郎大江曲。大江綠霧深。解携纔掩淚。已是無緣尋。去日欣潮阻。還時願浪平。唯應偕老後。方始得忘情。

庚寅除夜

臘裏逢春立。今宵又歲除。舊埃仍更拂。新慶恰當餘。

燈影知年竟。鐘聲認子初。送迎方在此。詩句自舒舒。

辛卯元旦

卯年人值卯年朝。卯日卯時嘗餅調。已愛盆梅幽馥動。更憐窻柳淡黃飄。昇平正過唐虞治。貧賤猶承歲月韶。箇箇吟將著囊裏。自誇詞客領春饒。

花下步月

東風釀暖似相迎。貪翫花濃與月明。好在一場香世界。如醒如醉到三更。

哭齊山子郁

幾歲論交絕俗埃。兩心相許一時魁。障瀾業罷屠龍

技仰斗懷空倚馬才。壁宿何疑光乍減。郢斤徒惜質先摧。星丘豈忍仍旋駕。恐有山陽他日哀。

季冬春風樓小集得十四寒

勝會夫何似。新知與舊歡。逞奇河漢辯。入妙蛇龍翰。燕婉渾忘適。酣歌孰識寒。春風如此好。只合寫心肝。

辛卯除夜

休言爲吏苦。爲吏亦何妨。塵務增相逼。文思轉自長。舐毫春暗動。對燭燄偏賜。吟咏終遙夕。陶然樂太康。

壬辰元旦

君侯在邑。因使者東來。賜以時雨蛤。友人荒井

廉平。自旋寄舊所託買性理字訓。斯日並達。

君恩友誼深感于心。故句中及之云。

衝波飛升東海暎。徧輝入境紀三元。柳條方弄輕黃態。梅萼刺嬌幽馥魂。忽得性書知友誼。更因時雨感君恩。斯生豈有多餘願。唯保舊機與舊根。

恭賦七律一章。奉賀甌島南山太太公八十八

生辰。

滿聽西土有雄藩。六百年來號德門。封跨三州班在二。姻連大府秩殊尊。米齡偏副顯平槩。仙籙刺符陰隲論。此日高堂稱壽客。唯看花鳥伴歡言。

次韻酬二本松安井伯恭

天地秘精有文筆。詞人才子紛代出。雕蟲採藻競奇
拔。蘭茝比馨冰比潔。斯道東流嘗受室。休明應運乃
相率。既標鳳彩曜龍質。又咀瑤華餐琇實。鷗社于今
最橫逸。舉旛掀堡鑿時傑。戶戶傳播皆抃悅。當年誰
不勉。鴛劣有人天外思如渴。吐作翻雲乍此過。臭味
固應無遠暱。賡歌詎怪寫伊鬱。

紙鳶

偶被兒童引得升。駕雲逐吹恣憑陵。晴鳶瞥見圖相
伴。望線飛回怯是矰。

壬辰除夜

東來將升稔。未見此寒驕。積雪方凝彩。層冰尚加雕。
簿書雖轉劇。詩興亦還饒。守夜隨年例。春光舉盞邀。

癸巳元旦

五鼓花槌正起初。井華躬汲向庭除。祇憐松竹韶光
動。復喜康莊寒色祛。鶯囀先從園木報。唐謠更趁海
暎舒。恩波共浴昇平日。休暇論文樂有餘。

送水谷子幹還村上

三年接款忽分離。執盞相看那忍辭。却笑故人不解
事。鄉園關念有妻兒。

賦得人跡板橋霜

鳴鐘忽使夢魂搖。早飯侵星復舉鑣。板上斑斑霜有跡。息忙誰是已過橋。

雨中駕鵞

雨滋池水淨。毛羽轉嬋娟。憎殺交歡去。遮羞荷葉邊。

送安元八郎還筑後并壽尊慈八旬

水驛山程天一方。看君行色異尋常。何疑稱壽萱堂日。寶婺交輝東壁光。

癸巳除夜

平生圖立志。不復厭艱辛。詩債終無償。歲功還已陳。

愧惜經世術。謾喚要途人。勞蹈消餘雪。閒篋韶景春。

甲午元旦

向曉居然淑氣回。滄溟賜彩地天開。惠風便掃鋪街雪。暖信先通遶屋梅。慶澤殊看閭里穩。藻葩方得興懷恢。春權誰道吾無分。烟態花容任手裁。

乙未元旦

東風一夜改乾坤。本合不嫌冷熱門。霧散林叢催好鳥。霞輝松竹駐清暎。操心廓落圖家務。陳力從容相禮煩。習宦頗慙多吏韻。仍將詩句紀正元。

賀家叔眠翁大人八旬

分袂虛過二十春。懸弧遙聽八旬晨。憑將道義天敦
福。養得中和慶被身。勸酒弦歌當坐起。助歡花鳥向
窻親。兒孫刺願從南極。借請遐齡比大椿。

賦心靜延壽賀高松覓執政五句

朱雀輝輝南海天。天鍾秀氣產名賢。在家居譜政增
治。一境趨風化逾宣。清靜忘懷常度日。優游隨分好
延年。從今知命君須要。併與蒼生共作仙。

乙未除夜

幹當終年事。悠然對燭光。盆梅方送馥。樽酒豫呈祥。
未罷人行鬧。正看春信彰。從教鬚鬢白。筆硯自知剛。

丙申元旦

掉翻徂歲幾何塵。濯出韶華天下春。柳引惠風浮嫩
眼。梅含瑞霧弄香脣。門塗多轍欣交廣。歌吹盈街感
澤臻。更取課程躬料理。一年功業肇茲辰。

梅雨中兩國橋上卽事

雨濃烟暗景蒼茫。濁水驚流鳥不翔。請看人間生計
苦。短蓑猶自棹舟忙。

牖前竹

自愛幽閒與世賒。數竿修竹映牖紗。清風更送雲韶
曲。戛玉敲金鎮滿家。

丙申除夜

平生懷壯志。窮律倍堪喜。照鏡驚形變。攤書惜晷移。况逢憂歎日。徒費濟民思。銜杯聊守歲。燈華玉蟲垂。

丁酉元旦

五鼓初通淑氣開。乾坤驀地一新來。盈街車馬朝參鬧。逐巷弦歌曲度催。荒政猶憐民戶衆。歲華偕卜稼禾堆。吾儕自誇無豐儉。長樂繙書且育才。

聞輪王寺中櫻花盛開。適值直日多事。余恐其不及時。乃與同僚謀。纔得倉忙偷賞。率爾成詠。二首。

輪王宮畔試春嬉。千樹櫻花簇玉鞋。忙裏無由得延賞。何如閒漢翫多時。

喜雲豔靄護招提。滿地芳菲魂欲迷。怪底狂風吹抵。欵摧殘瓊玉故爲泥。

冬曉

轉覺竒寒起夜分。曉來襲服對斯文。坐看窗外繁霜降。卜得不風也不雲。

丁酉除夜

適遭荒歉運。旦夕厭聽飢。冬暖全無雪。心勞更問龜。殘年將盡夜。窮律欲回時。頻酌椒花酒。騰騰迎曙曦。

戊戌元旦

斗杓纔轉此開端。挈取乾坤陡改觀。既送新風清綺陌。又回初日照文壇。友朋依舊偕無恙。身世隨緣得苟完。索性應須圖報效。仍餘一片未消丹。

賦辛苦移家爲竹林賀山地蕉窻移居

辛苦君何有。移家爲竹林。邀風朝曼玉。擺月夜飾金。綠潤憐丰度。清虛愜素心。休疑詩句異。終歲伴龍吟。

獨喻集卷之一

